

ZAPISNIK

sa 22. sjednice Upravnog odbora
Skijaškog/Smučarskog saveza Bosne i Hercegovine, održane 20.11.2017. godine u 18.00 sati
u prostorijama Ski saveza BiH u Sarajevu

Prisutni: Đelal Hasečić, Miro Đukić, Mario Laikert, Milovan Jevtović, Zdravko Lasica, Ismar Biogradlić, Kenan Jažić, Jasmin Mehić i Vladimir Lučić članovi Upravnog odbora, Jelena Dojčinović Generalni sekretar.

Odsutni: Radenko Pekić i Muris Pozderac

Miro Đukić se zahvalio prisutnima i predložio dnevni red:

DNEVNI RED:

1. Usvajanje zapisnika sa 21. sjednice Upravnog odbora;
2. Olimpijske igre – ostvarene norme – rok za konačne liste - kriteriji
3. Razno:
 - Organizacija velikih takmičenja u sezoni 2019/2020
 - Zahtjevi za odlazak na pripreme i takmičenja

Dnevni red jednoglasno usvojen.

Ad. 1.

Zapisnik sa 21. sjednice je usvojen sa 8 glasova za i jednim protiv Jasmin Mehić. Dojčinović je informisala prisutne da su zaključci sa prošle sjednice UO realizovani kada je u pitanju kalendar takmičenja, cjenovnik saveza te da su isti dostavljeni svim članovima. Komisija z aski trčanje nije dostavila prijedlog pravilnika do današnjeg dana, ali je naglasila da je prisutan Kenan Jažić, koordinator za ski trčanje koji se može očitovati po ovom pitanju.

Ad.2.

Dojčinović je informisala članove UO da u materijalu imaju važeći pravilnik o reprezentacijama BiH, najnoviju listu sa olimpijskim bodovima, tzv. alokacijska lista. Objasnila je da su ovi bodovi pravljani na osnovu dvije najbolje discipline, te da jo to alokacijska lista prema kojoj može doći do eventualno još jednog mjesta kod muškaraca. Dojčinović je također rekla da je obavila razgovor sa generalnim sekretarom OK BiH Saidom Fazlagić i da je rok za dostavljanje konačnih imena 21.01.2018. do kada i traje kvalifikacioni proces, ali da trebamo do 15.12.2017. godine dostaviti veličine za opremu, što u našem slučaju neće biti problem s obzirom da se radi uglavnom o istim veličinama.

Laikert je pitao koja je mjerodavnija lista. Dojčinović je rekla da se radi o alokacijskoj listi koja daje uvid bodovanja najboljih disciplina i po kojoj se gleda eventualno otvaranje još jednog mjesta za muškarce do ukupnog broja od 320 takmičara na olimpijskim igrama, kao da su i sve liste mjerodavne koje su objavljene na FIS stranici pa tako i ona koja je bila na uvid na prošloj sjednici UO.

Jasmin Mehić se izvinuo svima što su morali opet doći na sjednicu po ovom pitanju. Rekao je da se u alpskom skijanju dosta uradilo i da nije bilo nesuglasica, ali je sada došlo do problema unutar Upravnog odbora. Po osnovu pravilnika koji je trenutno važeći u članu 28. koji vrlo jasno kaže da „alpska komisija u dogovoru sa koordinatorom zadržava pravo konačnog odabira sastava reprezentacije za svako takmičenje. Na osnovu ispunjenih kriterija na prijedlog trenera, koordinator i komisija vrši izbor članova reprezentacija. Izbor članova reprezentacija samo potvrđuje Upravni odbor. Dalje, u članu 20. stoji da se izbor članova reprezentacije vrši prema

FIS bodovima u bilo kojoj disciplini“. N aprošlom sastanku Mehić je rekao da mu uopšte nije jasno kako se na UO našla ova tačka dnevnog reda jer je alpska komisija razmotrila kriterije odabira a to su najbolji bodovi i isto prosljedili koordinatoru. Kao koordinador je iznio svoje mišljenje uz izvinjenje zbog nemogućnosti dolaska na sjednicu.

Mario Laikert je zatim rekao da se ovdje radi o pravilniku o reprezentacijama i da nema nikakvih dopuna niti posebnog pravilnika o odlasku na takmičenja. Laikert je zatim citirao pravilnik član 17: „u skladu sa odredbama iz prethodnog stava reprezentativci mogu biti samo najbolji takmičari pojedine skijaške discipline. Također je Laikert rekao da Alpska komisija nije donijela pravilnik o odlasku na olimpijske igre.

Jasmin Mehić se zatim ponovo vratio na član 28. te je ponovio da Alpska komisija zadržava pravo odlučivanja za svako takmičenje. Ponavlja da upravni odbor nema ovdje o čemu odlučivati već je ovim pravilnikom data saglasnost da to radi Alpska komisija.

Mario Laikert je ponovio da se ne može gledati samo jedna disciplina, te da postoje liste. Još jednom je naglasio da se razgovara o pravilniku o reprezentacijama a ne o odlasku na takmičenja.

Dalje za riječ se javio Vladimir Lučić te iznio svoj stav a to je da na bilo koje takmičenje treba da šaljemo najboljeg takmičara neovisno o disciplini. Potrebno je da bude najbolji takmičar koji će predstavljati BiH na velikim takmičenjima. Također je rekao da on lično nije otišao na olimpijadu zato što su se zbrajali bodovi iz disciplina bez obzira što je on bio ubjedljivo najbolji u slalomu. Smatra da je to pogrešan sistem, i da ne treba da ulazimo u imena već treba da podržimo odluku da ide najbolji takmičar.

Miro Đukić je zatim rekao da se na prošloj sjednici razpravljalo o kriterijima a ne o imenima i da se razgovaralo o rokovima, što je sada vrlo jasnije nakon što je Dojčinović razgovarao sa OK BiH. Također je naglasio da pogotovo članovima UO koji ne dolaze iz alpskog skijanja nije sasvim jasno ko je najbolji takmičar.

Lučić je zatim rekao da njega ne interesuje ko je u pitanju ali da ga interesuje da ode najbolji takmičar.

Ismar Biogradlić je rekao da je i prošli put imao svoje mišljenje te da je tako i glasao. Sada dolazimo u situaciju da svi različito tumačimo pravilnik, ali je naglasio da je na prošloj sjednici UO promjenjeno više stavova i zaključaka komisija, jedna od toga je i vezana za snowboard komisiju i raspodjelu sredstava. Nije u redu da pored kriterija i stavova komisija UO mijenja to svojim odlukama i da je to njegovo tumačenje ovog problema.

Miro Đukić se ne slaže da UO treba samo da potvrđuje ono što donose komisije jer iste pišu sve i svašta pa smo imali i primjer da je jedan član komisije glasao za nekoga iz razloga što su dobri prijatelji. Također se osvrnuo i da je snowboard komisija u zapisniku navela da je UO protiv EYOF-a što nije tačno. On prvi ne bi sjedio gdje sjedi ako bi se sve svodilo na dizanje ruke kao potvrda svega što komisije urade.

Zdravko Lasica je rekao da je prošli put glasao kako i jeste ali sada želi da naglasi da će se pridržavati pravilnika u svakom segmentu te se nadovezao na Lučića koji je rekao da ga ne interesuju imena već samo najbolji sa čim se slaže. Također je rekao da se komisijama mora dati na znanje da oni ne odlučuju već samo predlažu, iz razloga što ih je i Đukić naveo. Zatim je rekao da će se držati pravilnika ali da se kaže tačno kako i šta.

Jasmin Mehić je zatim rekao da se slaže da se ne mogu samo olako prihvatati odluke komisija ali isto tako smatra da u slučaju neslaganja sa komisijama materijale treba vraćati na doradu ili izmjenu ali ne u potpunosti mijenjati odluku i kao takvu je prihvatiti. U konkretnom slučaju smo imali potvrdu alpske komisije, trenera i koordinadora a što je bilo u skladu sa pravilnikom te nije bilo u redu to stavljati na glasanje. U slučaju da je odluka predložena od strane komisije u suprotnosti sa pravilnikom onda bi UO trebao istu razmatrati. Druga tema ko je najbolji Mehić je rekao da je to veoma široko pitanje, te da se može odlučiti da je najbolji onaj ko ima najbolje bodove u jednoj disciplini ili onaj koji ima pravo nastupa u više disciplina. Ta odluka je vrlo zahtjevna, i ona se ne može mijenjati mjesec dana pred olimpijske igre, već na početku

olimpijskog ciklusa. Mehić u potpunosti podržava da se u narednm periodu mogu mjenjati pravilnici i odluke. Zatim je rekao da prema odluci koja je donešena Bojan Križaj nikada ne bi otišao na olimpijadu a osvojio je sve što se moglo osvojiti. Nadalje je rekao da promjenom ove odluke da ide takmičar koji ima više normi trener reprezentacije je doveden u situaciju odnosno natjeran je da sa svim takmičarima mjesec pred olimpijadu mjenja plan i program i da se ide samo na brze discipline a što je veliki rizik od povreda. Iz svih navedenih razloga se ne slaže sa odlukom da na olimpijadu ide onaj takmičar koji ima više normi.

Mario Laikert je zatim rekao da je kriterije na početku olimpijskog ciklusa trebala uraditi alpska komisija i trener što nije urađeno. Također je rekao da nikada trener reprezentacije nije ni imao u planu nastup na brzim disciplinama, što je stvar trenera, a ne takmičara. Niti jednom takmičaru nije bilo zabranjeno da nastupa na brzim disciplinama. Također je rekao da isto misli da treba da ide najbolji takmičar, onaj koji ima najviše A normi te je objasnio Mehić za kojeg smatra da se puno i ne razumije u skijanje da je puno teže napraviti rezultat u brzim disciplinama jer je manje takmičara nego u tehničkim, pa je naveo i primjer da je Igor Laikert u Sočiu u kombinaciji zauzeo 27. mjesto dok se niko u tehničkim disciplinama nije kvalifikovao za drugu vožnju.

Đelal Hasečić je rekao da je Alpska komisija utvrdila kriterije na sjednici 10.10. te je citirao zapisnik komisije: „na olimpijske igre treba da ide takmičar sa najboljim bodovima u bilo kojoj disciplini s tim što treba uvažiti i mišljenje trenera koji će u određenom trenutku utvrditi koji od takmičara ima najbolju formu. Hasečić je postavio pitanje kako trener može iznositi subjektivne stvari. To mu nije jasno ali ako je kriterij pored ovoga da na oi ide takmičar sa najboljim bodovima onda on te kriterije prihvata. Postavlja se pitanje da li su kriteriji dobro posatvljeni i smatra da su dosta subjektivni iako nastoji da uvažava stavove alpske komisije kada su argumentovani.

Mehić je zatim rekao da je trener onaj koji ima uvid u svakodnevni rad sa takmičarima i dok god se trener drži našeg pravilnika on može reći da takmičar bez obzira što ima najbolje bodove nije bio redovan na treninzima, takmičar se drogira ili slično onda se to mišljenje treba i uvažiti. Mehić je ovim primjerom želio objasniti prisutnima šta se podrazumjeva pod stavom alpske komisije gdje se kaže da treba uvažiti i mišljenje trenera.

Hasečić je rekao da bi bilo dobro da se riješi sada ova situacija kako bi našim akmičarima ostavili još ovaj mjesec dana da takmiče i bore se za OI bez posebnih pritisaka.

Jevtović je rekao da trener nema pravo glasa ali ima pravo da kaže prema svom mišljenju ko je najbolji i da to mišljenje komisije treba da uvažavaju.

Laikert je ponovio što je i Mehić rekao da treba da se gleda olimpijski ciklus pa je dodao da je Lokmić Emir napravio samo jedan dobar rezultat prošle godine i to na Sljemenu i samo na osnovu tog jednog dobrog rezultata treba da ide na Olimpijske igre što nije u redu. Zatim je Dojčinović pojasnila članovima da kod bodova u tehničkim disciplinama ulaze tri rezultata, dok kod brzih ulaze dva. S tim se ne može reći da je napravljen samo jedan dobar rezultat ali da svakako ne smijemo dozvoliti da se priča o imenima što se trenutno radi kao i ko je kako pravio rezultate. Svi znamo da se na FIS trkama štimate rezultati ali isto tako da je to sistem FIS-e na koji mi ne momožemo uticati. Ski savez BiH je uticao kada se održavala trka Istočnog Timura jer nije bila data ravnopravna šansa da svi učestvuju, što nije bio razlog na svim ostalim takmičenjima gdje su svi imali priliku da voze iste trke.

Hasečić je rekao da mi nismo mogli znati niti smo očekivali da će se promijeniti sistem odlaska na olimpijske igre što je dovelo do opuštanja i neblagovremenog pravljenja kriterija. Ono što je izvanredno je da mi imamo veći broj takmičara sa normom ali da moramo odlučiti ko od njih će nastupiti na OI. Dojčinović je zatim rekla da FIS ima problem sa sprovedbom svojih pravilnika što je dokaz i odlučivanja na Svjetskom prvenstvu, te da kvalifikacioni kriteriji nisu objavljeni na početku olimpijskog ciklusa već ove godine.

Zdravko Lasica je rekao da će uvijek biti za naše kriterije i pravilnike ali i da trebamo barem kada je u pitanju FIS-a da se držimo FIS bodova. Oni treba da budu najveći kriteriji a pravilnici trebaju da se bave drugim stvarima odnosom takmičara i trenera i drugih službenih osoba kao

primjer. Isto tako plaćamo trenera 1.800 KM mjesečno a nećemo da uvažavamo njegovo mišljenje što nije u redu. Još jednom je naglasio da će on biti za to ako dođe do tog zaključka da ide onaj koji ima najbolje bodove pa bilo to u jednoj disciplini ili u pet disciplina, uglavnom onaj koji ima najbolje FIS bodove pojasnio je još jednom.

Mehić je zatim želio da se vrati na tumačenja Maria Laikert kada je pričao o brzim disciplinama. Objasnio je da je on itekako svjestan da bi bilo najbolje da se savez opredijeli da se ide na rezultat u brzim disciplinama i to kod žena, ali d atreba pogledati realno i ko vozi brze discipline. Voze samo najjače države na svijetu jer je potrebno da se zakupe staze duge 2 km, a mi smo sretni kada dobijemo poligon na Ravnoj planini. Smatra da nemamo finansijsku snagu da se bavimo brzim disciplinama. Ponovo je pozvao prisutne da se vrata na temu ol naznačivši da niti u jednom trenutku nije uzimao u obzir imena te je naglasio da je super što je rok za imena 21.01.2018. godine. Naglasio je da se ne smije dozvoliti da se takmičarima stvori negativan pritisak a zatim će UO u kancelariji odlučiti ko ide. To nije u redu.

Hasečić je pozvao da se još jednom vrati na pravilnik gdje se pozvao na član 20. kriteriji za izbor reprezentacije, gdje kaže da se A reprezentacija vrši na osnovu sljedećih kriterija: FIS bodovi te kriterij broj dva koji navodi „u slučaju takmičenja sa ograničenom kvotom održat će se kontrolno mjerenje ili će stručni štab na vrijeme odrediti neko takmičenje iz kalendara“. Mehić je rekao da stručni štab u ovom slučaju a to je alpska komisija i trener se mogu pozvati na član 28, te pitao na koji način napraviti izbornu takmičenje, da li će to takmičenje biti u slalomu, veleslalomu, spustu. Hasečić je rekao da se može napraviti izbornu takmičenje u slalomu i veleslalomu a da nemamo uslova organizovati takmičenje u brzim disciplinama. Mehić je rekao da to nije pošteno onda, jer neki takmičari voze samo slalom, a neko samo brze discipline.

Biogradlić je rekao da iako ima raznih tumačenja i da se svi pozivaju na različite članove pravilnika najvažniji je onaj član 20 gdje kao prvi kriterij se navode FIS bodovi u bilo kojoj disciplini. U tom trenutku treba reći ko je najbolji po bodovima, pa bez obzira koja je to disciplina. Laikert je pitao koju disciplinu uzeti, na što je Biogradlić odgovorio onu u kojoj takmičar ima najbolje bodove. Zatim je Laikert rekao da je na prošloj sjednici donešena odluka te pitao prisutne šta sa njom nije u redu. Hasečić je rekao da ona nije po pravilniku. Laikert je rekao da ništa nije po pravilniku te da donešena odluka nije nepoštena. Također je naglasio da u pravilniku nisu naznačeni nikakvi kriteriji i da se on bori za to da ide najbolji. Mehić je rekao da je to onaj ko ima najbolje bodove.

Mehić je zatim ko ima najbolje bodove, pa je Dojčinović pročitala trenutnu listu, Lokmić Emir ima najbolje bodove u slalomu i to 18.88 što ga dovodi do ranka 195 mjesto u svijetu. Kada je u pitanju Laikert on ima najbolje bodove u slalomu također sa 26.18 što je rank 346 te postavio pitanje ko je najbolji. Laikert je ponovo rekao da se ne može gledati samo jedna disciplina, šta je sa spustom gdje Lokmić nema nikako bodova. Mehić je rekao da takmičari uzimaju kristalni globus na osnovu samo jedne discipline.

Lučić je rekao da imamo zajednički stav a to je da ide najbolji takmičar i da je rok 21.01.2018. te da ima dovoljno vremena da se vidi ko je najbolji takmičar. Njegov lični stav je da je najbolji takmičar ko ima najbolje bodove u jednoj disciplini. Takmičari imaju mogućnosti i vremena da pokažu ko je najbolji. Laikert je rekao da se slaže sa Lučićem ali da se ne gleda samo jedna disciplina.

Nakon duže rasprave oko pravilnika, eventualne izmjene istog, Laikert je predložio da se odlučimo koju listu da uzmemo kao vodilju, da li je to alokacijska lista ili ona olimpijska sa FIS bodovima. Hasečić je rekao da mi moramo dorediti kriterije a da liste svakako nisu konačne.

Dojčinović je zatim pogledala liste te informisala prisutne da je došlo do izmjene jer se liste stalno revidiraju po kojoj Laikert više nema normu u spustu jer nije u prvih 500, te je ostala norma u kombinaciji i u slalomu, dok je Lokmić zadržao normu u slalomu.

Đukić je ponovo pozvao da se ne razgovara o imenima. Zatim je Mehić rekao da pravilnik treba ići na doradu ali da trenutno nije za to vrijeme jer nije ispravno to uraditi kada je već sezona počela.

Zdravko Lasica je rekao koja disciplina će se voziti na izbornom takmičenju te smatra da to nije rješenje jer je jako teško napraviti izbornu takmičenje u svim disciplinama.

Laikert je zatim ponovo pozvao da se prate liste ali da je neophodno odlučiti koja je to, alokacijska, ili ona sa FIS bodovima te naglasio da se bodovi u slalomu veoma teško skidaju pred olimpijadu već se to najlakše radi na kraju sezone.

Đukić je rekao da je potrebno da se rasprava privodi kraju i da treba da se donese odluka. Mehić je ponovo pročitao bodove i rangiranja naših takmičara te mu nije jasno kako se iz toga ne vidi ko je najbolji, kada imamo takmičara rangiranog 195 i takmičara rangiranog 345. Hasečić je zatim predložio dvije solucije, prva da takmičar koji ima ostvarenu normu i najbolje FIS bodove ima pravo učešća ili da se uzme zbir svih disciplina i takmičar koji ima najbolje bodove treba da ide.

Laikert je rekao da se treba pratiti alokacijska lista gdje se uzimaju u prosjek dvije najbolje discipline, odnosno najbolji bodovi u dvije discipline i ko bude najbolji po njoj taj treba da ide na olimpijske igre. Mehić je rekao da ta lista nije rješenje jer se može desiti da budu svi imali najbolje različite discipline i da se opet onda moramo vratiti na najbolje bodove kao kriterij.

Nakon duže rasprave u kojoj su učestvovali svi prisutni i više prijedloga: ispunjenje A norme i najbolji bodovi u bilo kojoj disciplini i drugi prijedlog najbolji bodovi iz dvije discipline. Poslije dužeg raspravljanja Đukić je rekao da je krajnje vrijeme da se rasprava završi te iznio tri prijedloga na glasanje: prvi prijedlog, najbolji FIS bodovi u bilo kojoj disciplini, drugi prijedlog najbolji ranking i treći prijedlog alokacijska lista odnosno najbolji bodovi u dvije discipline.

Za prvi prijedlog je glasalo za 5 članova UO, dok je za treći prijedlog glasalo za 3 člana UO i jedan je bio suzdržan. Niti za jedan prijedlog nije bilo dvotrećinske većine pa se ponovo pokrenula rasprava gdje se uglavnom razgovaralo ponovo o odluci koja je donešena na prethodnoj sjednici. Vlado Lučić i Jasmin Mehić su rekli da nikada neće biti za takvu odluku jer nije u redu da na olimpijske igre ne ide najbolji takmičar.

Dojčinović je zatim rekla da se na alokacijskoj listi ne uzimaju najbolji bodovi u dvije discipline već dva najbolja ranka.

Lučić je rekao da je u redu da se uzima i najbolji ranking ali u jednoj od disciplina. Mehić se složio sa Lučićem jer smatra da je bolji takmičar koji je plasiran na 195 mjesto a ne onaj koji ima dva rankinga na 400 i neko mjesto. Laikert je rekao da su svi rezultati postignuti u prošloj godini i da je i to potrebno gledati. Dojčinović je rekla da to nije u redu jer se zna od kada traje kvalifikacioni proces i da se takmičari bore za odlazak na olimpijske igre tokom čitavog procesa kvalifikacija. Nepošteno je da se gledaju samo određeni rezultati iz određenog perioda.

Đukić je rekao ukoliko niko nema novog prijedlog aostaje na snazi odluka sa prošle sjednice. Hasečić je rekao da ni ona nije najbolja s čim se složio i Đukić. Zatim je Lučić predložio da kriterij bude najbolji rangirani takmičar u bilo kojoj disciplini /jednoj disciplini. Biogradlić je također rekao da je rang najpravednije rješenje i to u jednoj disciplini.

Đukić je stavio prijedlog Lučića najbolje rangirani takmičar u jednoj disciplini. Ovaj prijedlog je usvojen sa 8 glasova za i jednim suzdržanim.

Đukić je zatim informisao članove UO da postoji mogućnost da Mladen Plakalović ne bude mogao ići na olimpijske igre s obzirom da je danas otišao na obuku u Mostar te predložio ukoliko se to desi treba da ide na igre sljedeći takmičar sa najboljim FIS bodovima. Jednoglasno je usvojen prijedlog. Također je ponovljena odluka da ukoliko Tanja Karišik ne ostvari normu u biatlonu ide u ski trčanju ukoliko bude imala najbolje FIS bodove.

Ad. 3.

- Dojčinović je rekla da Jasmin Mehić ima prijedlog vezano za takmičenja u 2019/2020 ili 2020/2021 godini pa ga je pozvala da obrazloži o čemu se radi. Jasmin Mehić je rekao da imamo određena ulaganja u infrastrukturu na Bjelašnici i Jahorini a nada se uskoro i na Dvorištima i Igmanu, zahvaljujući EYOF-u. S obzirom da su gradovi inicirali organizaciju EYOF-a kao i infrastrukturna ulaganja potrebno je da Ski savez iskoristi priliku i nametne se gradovima za organizaciju većeg takmičenja. Ono što je potrebno da se odredimo koje je to takmičenje i da pripremimo aplikaciju prema međunarodnim federacijama. Smatra također da su članovu UO trenutno vjerovatno i umorni od prijašnje rasprave ali da je zaista dobra prilika da se nametnemo kao organizatori većih takmičenja. Hasečić se složio sa prijedlogom pogotovo jer se zna da smo već bili u procesu organizacije Evropa kupa i na Bjelašnici i na Jahorini. Lučić i Biogradlić smatraju da su potrebna velika finansijska sredstva a poznato kakvi su budžeti gradova. Mehić je zatim rekao da se može organizovati i neki trening kamp što će biti dobra priprema za neko veliko takmičenje. Jednoglasno je podržana inicijativa Jasmina Mehić.
- Dojčinović je rekla da je potrebno da se podnese ponovni zahtjev za registraciju Saveza što je jednoglasno usvojeno.
- Kenan Jažić je rekao da je održana sjednica Komisije za ski trčanje ali da mu nije jasno zašto zaključci povodom Pravilnika nisu dostavljeni Savezu te je upoznao članove da komisija nema prijedloga za veće i konkretne izmjene. Đukić je rekao da se sada o tome ne može odlučivati jer nemamo napismeno dostavljeno.
- Đukić je zatim rekao da imamo planirane odlaske reprezentacija koji su u skladu sa planom i programom i budžetom a koji su dostavljeni svim članovima UO. Jednoglasno su usvojeni svi zahtjevi.
- Lučić je rekao da je neophodno dati rok za dostavljanje prijedloga pravilnika s obzirom da smo već ušli u sezonu. Dojčinović je rekla da je na prošloj sjednici usvojen zaključak da se u skladu sa budžetom napravi prijedlog za opremu i naredne odlaske. Koliko ima novaca toliko može ići reprezentativaca. Jažić je rekao da je komisija predložila i da se u narednoj sezoni takmičari izjasne u kojem sportu će biti aktivni ski trčanju ili biatlonu.
- Lasica je iznio osjećaj razočarenja povodom dopisa od OK BiH s obzirom da su navedene sve informacije koje su raspravljane na sjednici UO. To nije u redu da se stvari na takav način iznose bez da zvanično mi ne šaljemo informacije. Naveo je da je Dojčinović poslala sasvim drugačiji dopis iz kojeg se ne vide te informacije. Povodom ovog pitanja Jasmin Mehić je pitao Maria Laikert da li je u redu da rasprava sa sjednica UO i odluke dolaze brže do takmičara nego što zvanično informacije dobiju treneri i druga tijela Ski saveza BiH. Mario Laikert je rekao da sastanci nisu tajni i smatra da nije ništa pogrešno uradio. Mehić je rekao da nije u redu da se zapisnici šalju prije nego se usvoje, te se dok se ne usvoje smatraju internim stavrma UO. Lučić je rekao da od prošle godine kada je bio problem prosljeđivanja interne prepiske više ništa ne komentariše putem maila. Mehić je ponovo rekao da nije u redu da takmičar dobija informacije prije trenera jer to nije normalan tok komunikacije. Bitna je hijerarhija prosljeđivanja informacija. Dojčinović je također rekla da nije u redu slati bilo kome zapisnike prije nego što se oni ne usvoje.
- Đukić je rekao da postoji odluka Smučarskog saveza RS a to je da se obustave sva sredstva reprezentativcima Snežani Borovčanin i Stefanu Lazarević s obzirom da isti nisu registrovani. Dojčinović je rekla da još uvijek nema spiska za registraciju i nema nikakvu zvaničnu informaciju o tome. Đukić je rekao da treba očekivati ubrzo zvaničnu odluku i da to treba imati u vidu.
- Ismar Biogradlić je rekao da je neophodno da se dorade pravilnici kako bi olakšali posao u narednom periodu.

- Ismar Biogradlić je rekao da se čuo sa Saidom Fazlagić povodom nastupa reprezentativaca na EYOF-u koji mu je rekao da postoje određena sredstva za pripremu sportista, te je Dojčinović poslala projekat priprema i dodala da je realno očekivati iznos od cca. 35.000 KM. Jasmin Mehić je rekao da OK BiH ne smatra da je zadužen za naše sportiste i da je već razgovarao sa Saidom Fazlagić o toj temi. Mehić je objasnio Saidu da to nije u redu i da je OK BiH zadužen da kaže konačan broj sportista koji će nastupati na EYOF-u. Iz ovog razloga je neophodno i da se Ski savez BiH ogradi od nevedenih sredstava jer je to samo jedna desetina potrebnih sredstava za pripremu naših sportista.
- Mehić je zatim neformalno skrenuo pažnju Mariu Laikert da nije u redu da ga takmičar Igor Laikert proziva u mailovima jer za tim nema potrebe. Mario Laikert je rekao da je on prvi počeo, na što je Jasmin Mehić rekao da će razmisliti da se pokrene disciplinski postupak preko Alpske komisije.

Sjednica je završena u 20.30 sati.

Originalni materijali sa sjednice Upravnog odbora Ski saveza BiH prilažu se primjerku Zapisnika koji se odlaže u arhivu Ski saveza BiH.

Sarajevo,
20.11.2017.

Zapisnik vodila
Jelena Dojčinović

Predsjednik
Miro Đukić